

आलोचना-पाठ
Ālōcanā-Pāṭha

कविश्री जौहरी
Kaviśrī Jauharī

(दोहा)
(dōhā)

वंदूँ पाँचों परम-गुरु, चौबीसों जिनराज ।
करूँ शुद्ध आलोचना, शुद्धि-करन के काज ॥१॥

Vandurñ pām̐cōṁ parama-guru, caubīsōṁ jinarāja |
Karūṁ śud'dha ālōcanā, śud'dhi-karana kē kāja ||1||

(सखी छन्द)
(Sakhī chanda)

सुनिये जिन! अरज हमारी, हम दोष किये अति-भारी ।
तिनकी अब निवर्त्ति-काजा, तुम सरन लही जिनराजा ॥२॥

Suniyē jina! Araja hamārī, hama dōṣa kiyē ati-bhārī |
Tinakī aba nivartti-kājā, tuma sarana lahī jinarājā ||2||

इक-बे-ते-चउइंद्री वा, मनरहित-सहित जे जीवा ।
तिनकी नहिं करुणा धारी, निरदई हो घात विचारी ॥३॥

Ika-bē-tē-ca'u'indrī vā, manarahita-sahita jē jīvā |
Tinakī nahiṁ karuṇā dhārī, niradar'i hō ghāta vicārī ||3||

समरंभ-समारंभ-आरंभ, मन-वच-तन कीने प्रारंभ ।
कृत-कारित-मोदन करिके, क्रोधादि-चतुष्टय धरिके ॥४॥

Samarambha-samārambha-ārambha, mana-vaca-tana kīnē prārambha |
Kṛta-kārita-mōdana karike, krōdhādi-catuṣṭaya dharike ||4||

शत-आठ जु इमि भेदनते, अघ कीने परिछेदनते ।
तिनकी कहूँ को-लों कहानी, तुम जानत केवलजानी ॥५॥
Śata-āṭha ju imi bhēdanate, agha kīnē parichēdanate ।
Tinakī kahūṁ kō-lōṁ kahānī, tuma jānata kēvalajñānī ॥5॥

विपरीत एकांत-विनय के, संशय-अज्ञान कुनय के ।
वश होय घोर अघ कीने, वचतें नहिं जायँ कहीने ॥६॥
Viparīta ēkānta-vinaya kē, sanśaya-ajñāna kunaya kē ।
Vaśa hōya ghōra agha kīnē, vacaterṁ nahirṁ jāyamṁ kahīnē ॥6॥

कुगुरुन की सेवा कीनी, केवल अदया-करि भीनी ।
या-विधि मिथ्यात भ्रमायो, चहुँगति-मधि दोष उपायो ॥७॥
Kuguruna kī sēvā kīnī, kēvala adayā-kari bhīnī ।
Yā-vidhi mithyāta bhramayō, cahumṁgati-madhi dōṣa upāyō ॥7॥

हिंसा पुनि झुठ जु चोरी, पर वनिता सों दृग-जोरी ।
आरंभ-परिग्रह भीनो, पन-पाप जु या-विधि कीनो ॥८॥
Hinsā puni jhuṭha ju cōrī, para vanitāsōṁ dṛga-jōrī ।
Ārambha-parigraha bhīnō, pana-pāpa ju yā-vidhi kīnō ॥8॥

सपरस-रसना-घानन को, चखु-कान-विषय-सेवन को ।
बहु-करम किये मनमाने, कछु न्याय-अन्याय न जाने ॥९॥
Saparasa-rasanā-ghrānana kō, cakhu-kāna-viṣaya-sēvana kō ।
Bahu-karama kiyē manamānē, kachu n'yāya-an'yāya na jānē ॥9॥

फल पंच-उदंबर खाये, मधु-मांस-मद्य चित चाये ।
नहिं अष्ट-मूलगुण धारे, सेये कुव्यसन दुःखकारे ॥१०॥
Phala pañca-udambara khāyē, madhu-mānsa-madya cita cāyē ।
Nahirṁ aṣṭa-mūlaguṇa dhārē, sēyē kuvyasana du:Khakārē ॥10॥

दुइबीस-अभख जिन गाये, सो भी निश-दिन भुंजाये ।
कछु भेदाभेद न पायो, ज्यों-त्यों करि उदर भरायो ॥११॥
Du'ibīsa-abhakha jina gāyē, sō bhī nīśa-dina bhuñjāyē ।
Kachu bhēdābhēda na pāyō, jyōṁ-tyōṁ kari udara bharāyō ॥11॥

अनंतानुबंधी जु जानो, प्रत्याख्यान अप्रत्याख्यानो ।
संज्वलन चौकड़ी गुनिये, सब भेद जु षोडश मुनिये ॥१२॥
Anantānubandhī ju jānō, pratyākhyāna apratyākhyānō ।
Sañjvalana caukaṛī guniyē, saba bhēda ju ṣōḍaśa muniyē ॥12॥

परिहास-अरति-रति-सोग, भय-ग्लानि-तिवेद-संयोग ।
पनबीस जु भेद भये इम, इनके वश पाप किये हम ॥१३॥
Parihāsa-arati-rati-sōga, bhaya-glāni-tivēda-sanyōga ।
Panabīsa ju bhēda bhayē ima, inakē vaśa pāpa kiyē hama ॥13॥

निद्रावश शयन कराई, सुपने-मधि दोष लगाई ।
फिर जागि विषय-वन धायो, नानाविध विष-फल खायो ॥१४॥
Nidrāvaśa śayana karāi, supanē-madhi dōṣa lagāi ।
Phira jāgi viṣaya-vana dhāyō, nānāvidha viṣa-phala khāyō ॥14॥

आहार-विहार-निहारा, इनमें नहिं जतन विचारा ।
बिन देखे धरी-उठाई, बिन-शोधी वस्तु जु खाई ॥१५॥
Āhāra-vihāra-nihārā, inamēṁ nahīṁ jatana vicārā ।
Bina dēkhē dharī-uṭhāi, bina-śōdhī vastu ju khāi ॥15॥

तब ही परमाद सतायो, बहुविधि-विकल्प उपजायो ।
कछु सुधि-बुधि नाहिं रही है, मिथ्यामति छाया गई है ॥१६॥
Taba hī paramāda satāyō, bahuvidhi-vikalapa upajāyō ।
Kachu sudhi-budhi nāhirṁ rahī hai, mithyāmati chāya gai hai ॥16॥

मरजादा तुम ढिंग लीनी, ताहु में दोष जु कीनी ।
भिन-भिन अब कैसे कहिये, तुम ज्ञान-विषै सब पड़ये ॥१७॥
Marajādā tuma ḍhiṅga līnī, tāhu mēṁ dōṣa ju kīnī ।
Bhina-bhina aba kaisē kahiyē, tuma jñāna-viṣairṁ saba pa'iyē ॥17॥

हा हा! मैं दुठ अपराधी, त्रस-जीवन-राशि विराधी ।
थावर की जतन न कीनी, उर में करुणा नहिं लीनी ॥१८॥
Hā hā! Maiṁ duṭha aparādhī, trasa-jīvana-rāśi virādhī ।
Thāvara kī jatana na kīnī, ura mēṁ karuṇā nahīṁ līnī ॥18॥

पृथिवी बहु-खोद कराई, महलादिक जागाँ चिनाई ।
पुनि बिन-गाल्यो जल ढोल्यो, पंखा ते पवन बिलोल्यो ॥१९॥
Pṛthivī bahu-khōda karāi, mahalādika jāgāñ cināi |
Puni bina-gālyō jala ḍhōlyō, pañkhā te pavana bilōlyō ॥19॥

हा हा! मैं अदयाचारी, बहु हरितकाय जु विदारी ।
ता-मधि जीवन के खंदा, हम खाये धरि आनंदा ॥२०॥
Hā hā! Mairiṁ adayācārī, bahu haritakāya ju vidārī |
Tā-madhi jīvana kē khandā, hama khāyē dhari ānandā ॥20॥

हा हा! परमाद-बसाई, बिन देखे अगनि जलाई ।
ता-मध्य जीव जे आये, ते हू परलोक सिधाये ॥२१॥
Hā hā! Paramāda-basāi, bina dēkhē agani jalāi |
Tā-madhya jīva jē āyē, tē hū paralōka sidhāyē ॥21॥

बीध्यो अन राति पिसायो, ईंधन बिन-सोधि जलायो ।
झाड़ू ले जागां बुहारी, चींटी आदिक जीव बिदारी ॥२२॥
Bīdhyō ana rāti pisāyō, r'indhana bina-sōdhi jalāyō |
Jhārū lē jāgām buhārī, cīṇṭī ādika jīva bidārī ॥22॥

जल-छानि जिवानी कीनी, सो हू पुनि डारि जु दीनी ।
नहिं जल-थानक पहुँचाई, किरिया-बिन पाप उपाई ॥२३॥
Jala-chāni jivānī kīnī, sō hū puni ḍārī ju dīnī |
Nahirī jala-thānaka pahūñcāi, kiriyā-bina pāpa upāi ॥23॥

जल-मल मोरिन गिरवायो, कृमि-कुल बहुघात कारायो ।
नदियन-बिच चीर धुवाये, कोसन के जीव मराये ॥२४॥
Jala-mala mōrina giravāyō, kṛmi-kula bahughāta karāyō |
Nadiyana-bica cīra dhuvāyē, kōsana kē jīva marāyē ॥24॥

अन्नादिक शोध कराई, तामें जु जीव निसराई ।
तिनका नहिं जतन कराया, गलियारे धूप डराया ॥२५॥
Annādika śōdha karāi, tāmēṁ ju jīva nisarāi |
Tinakā nahirī jatana karāyā, galiyārē dhūpa ḍarāyā ॥25॥

पुनि द्रव्य-कमावन काजे, बहु आरंभ-हिंसा साजे ।

किये तिसनावश अघ भारी, करुणा नहिं रंच विचारी ॥२६॥

Puni dravya-kamāvana kāje, bahu ārambha-hinsā sāje |
Kiyē tisanāvaśa agha bhārī, karuṇā nahim rañca vicārī ॥26॥

इत्यादिक पाप अनंता, हम कीने श्री भगवंता ।

संतति चिरकाल उपाई, वाणी तें कहिय न जाई ॥२७॥

Ityādika pāpa anantā, hama kīnē śrī bhagavantā |
Santati cirakāla upāi, vāṇī tem kahiya na jāi ॥27॥

ताको जु उदय अब आयो, नानाविध मोहि सतायो ।

फल भुंजत जिय दुःख पावे, वच तें कैसे करि गावे ॥२८॥

Tākō ju udaya aba āyō, nānāvidha mōhi satāyō |
Phala bhuñjata jiya du:Kha pāve, vaca ten kaisēm kari gāvai ॥28॥

तुम जानत केवलज्ञानी, दुःख दूर करो शिवथानी ।

हम तो तुम शरण लही है, जिन तारन विरद सही है ॥२९॥

Tuma jānata kēvalajñānī, du:Kha dūra karō śivathānī |
Hama tō tuma śaraṇa lahī hai, jina tārana virada sahī hai ॥29॥

इक गाँवपती जो होवे, सो भी दुःखिया दुःख खोवे ।

तुम तीन-भुवन के स्वामी, दुःख मेटहु अंतरजामी ॥३०॥

Ika gāṁvapatī jō hōvē, sō bhī du:Khiyā du:Kha khōve |
Tuma tīna-bhuvana kē svāmī, du:Kha mēṭahu antarajāmī ॥30॥

द्रोपदि को चीर बढ़ायो, सीता-प्रति कमल रचायो ।

अंजन से किये अकामी, दुःख मेटो अंतरजामी ॥३१॥

Drōpadi kō cīra baṛhāyō, sītā-prati kamala racāyō |
Añjana sē kiyē akāmī, du:Kha mēṭō antarajāmī ॥31॥

मेरे अवगुन न चितारो, प्रभु अपना विरद सम्हारो ।

सब दोष-रहित करि स्वामी, दुःख मेटहु अंतरजामी ॥३२॥

Mērē avaguna na citārō, prabhu apanā virada samhārō |
Saba dōṣa-rahita kari svāmī, du:Kha mēṭahu antarajāmī ॥32॥

इंद्रादिक पद नहिं चाहूँ, विषयनि में नाहिं लुभाऊँ ।

रागादिक-दोष हरीजे, परमात्म निज-पद दीजे ॥३३॥

Indrādika pada nahim cāhūṁ, viṣayani mēm nāhim lubhā'ūṁ ।

Rāgādika-dōṣa harījē, paramātama nija-pada dījē ॥33॥

(दोहे)

(Dōhē)

दोष-रहित जिनदेव जी, निज-पद दीज्यो मोय ।

सब जीवनि के सुख बढ़े, आनंद-मंगल होय ॥

अनुभव-माणिक-पारखी, 'जौहरि' आप जिनंद ।

ये ही वर मोहि दीजिए, चरण-शरण-आनंद ॥

Dōṣa-rahita jinadēvajī, nija-pada dījyō mōya ।

Saba jīvani kē sukha baṛhe, ānanda-maṅgala hōya ॥

Anubhava-māṇika-pārakhī, 'jauhari' āpa jinanda ।

Yēhī vara mōhi dījī'ē, caraṇa-śaraṇa-ānanda ॥

* * * A * * *